

## Ho Behoa ea Lokileng ka Tumelo feela



---

### SABATHA THAPAMA

#### **Bakeng sa Thuto ea beke ena, Bala:**

Ba-Gal. 2:15–21; Ba-Efe. 2:12; Ba-Fil. 3:9; Ba-Rom. 3:10–20; Gen. 15:5, 6; Ba-Rom. 3:8.

#### **Temana ea Khopolo:**

“Ke thakhisitsoe le Kreste, 'me ha e hlole e le 'na ea phelang, empa e Kreste ea phelang ka ho 'na; 'me joale, ha ke sa ntse ke phela nameng, ke iphelela tumelong ho Mor'a Molimo, ea nthaileng, a ba a itella 'na” (Ba-Galata 2:20).

**J**oalo ka ha re bone bekeng e fetileng, Paulose o ile a toba Petrose phatlalatsa Antioke ho hlokeng boikemelo tumelong eo a e emtseng le boitšoarō boo a bo bontšitseng. Qeto ea Petrose ea ho se hlole a ja le bao pele e neng e le bahetene e ne e bolela hore ke Bakreste 'motoana. Liketso tsa hae li ne li supa hore haeba ba batla hore e be karolo ea lelapa la Molimo ruri le ho natefeloa ke mahlonolo a feletseng tafoleng ea khumamelo, ba lokela pele ba inehle tlasa lebollo.

Paulose hantle o ile a reng ho Petrose ketsahalong eo e mahlonolo? Thutong ea beke ena, re tlo ithuta seo e leng kakaretso ea seo e ka 'nang ea ba se etsahetse. Sekha sena se fupere pokello ea mantsoe hara Testamente e Ncha, 'me ho totobetse haholo, hobane e re tsebisa lekhethlo la pele mantsoe a 'maloa le lipolelo tseo e leng motheo oa ho utloisisa evangeli le boholo ba lengolo la Paulose ho Ba-Galata. Mantsoe ao a kenyeletsa Ho lokafatsoa ka tumelo, ho loka, mesebetsi ea molao, ho lumela, e seng tumelo feela empa tumelo ea Jesu.

Paulose o bolela eng ka mantsoe aa, 'me a re ruta eng ka morero oa topollo?

*\*Bala thutoea beke ena ho lokisetsa Sabatha, 22 Phupu.*

## Potso ea ho “Lokafatsoa” (Ba-Gal. 2:15, 16)

**Ho Ba-Galata 2:15, Paulose oa ngola, “Ha e le rōna, re Baude ka mofuta, ha re baetsalibe ba Balichaba”. Ke ntlha efe eo u nahanang hore o ne a e hlahisa?**

---

Mantsoe a Paulose a hloka ho utloisisoa boemong ba ona. Tekong ea hae ea ho hapela Bakreste ba habo ba Bajudeboemong ba hae, Paulose o qala ka ntho e ’ngoe eo ba tla lumellana le eona—phapang ea khale e lipakeng tsa Bajudele Balichaba. Bajudee ne e le bakhethoa ba Molimo, bao a ba neileng molao oa hae, ’me ba ile ba natefeloa ke menyetla ea selekane le eena. Balichaba leha ho le joalo, e ne e le baetsalibe; Molao oa Molimo o ne o sa susumetse boitšaro ba bona, ’me ba ne ba le kathoko ho lilekane tsa litšepiso (Ba-Efe. 2:12, Ba-Roma 2:14). Leha Balichaba e ne e le “baetsalibe,” temaneng ea 16 Paulose o hlokomelisa Bajude hore menyetla ea bona ea semoea ha e ba etse hore ba amohelehe ho feta Molimo, hobane ha ho ea lokafatsoang ka “mesebetsi ea molao”.

**Paulose o sebelisa lentsoe ho beoa ea lokileng ka makhetlo a mane ho Ba-Galata 2:16, 17. O bolela eng ka “ho beoa ea lokileng”? Bona Exoda 23:7 le Deut. 25:1.**

---

Leetsi ho beoa ea lokileng ke polelo ea sehloho ho Paulose. Makhetlong a mashome a mararo a metso e robong e hlahang Testamenteng e Ncha, tse mashome a mabeli a metso e supileng ke ea mangolo a Paulose. U e sebelisa makhetlo a robeli ho Ba-Galata, ho kenyeletsa le tse ’ne tse ho Ba-Galata 2:16, 17. Ho beoa ea lokileng ka tumelo ke polelo ea molao, e sebelisoang makhotleng a molao. E sebelisoa le puo ea moahloli ha a phatlalatsa kahloho ha motho a se na molato oa liqoso tse hlahletsoeng khahlanong le eena. Ke ho ho khahlanong le thohako. Holima moo, ka lebaka la hore mantsoe toka le ho loka a tsoa lentsoeng le le leng la se-Gerike, hore motho a “beoe ea lokileng” ho bolela hore motho eo o baloa e le ea “lokileng.” Ka hona, ho beoa ea lokileng ho kenyeletsa ho feta feela ho tšoareli kapa ho leballoa melato; ke phatlalatso ea hore motho o lokile. Ho ba bang ba balumeli ba ba-Juda, leha ho joalo, ho beoa ea lokileng ho ne ho tsamaea le likamano. Ho ne ho likalikelitsoe ke likamano tsa bona le Molimo le selekane sa hae. “Ho beoa ea lokileng” hape ho ne ho bolela hore motho o baloa e le setho se tšepahalang sa lelapa la selekane sa Molimo, lelapa la Abrahama.

**Bala Ba-Galata 2:15–17. Paulose o re’ng ho uena mo, ’me ke joang o kenyang mantsoe ae maiphihlelong a Bokreste ba hao?**

## Mesebetsi ea Molao

**Paulose o bolela ka makhetlo a mararo ho Ba-Galata 2:16 hore motho ha a beoe ea lokileng ke “mesebetsi ea molao.” O bolela’ng ka polelo ee “mesebetsi ea molao”? litemana tsee (Ba-Gal. 2:16, 17; 3:2, 5, 10; Ba-Roma 3:20, 28) li re thusa joang ho utloisisa moelelo oa hae?**

---

Pele re ka utloisisa polelo “mesebetsi ea molao,” pele re hloka ho utloisisa seo Paulose a se bolelang ka lentsoe molao. Lentsoe molao (nomos ka se-Gerike) le fumanoa makhetlo a 121 mangolong a Paulose. Le ka supa lintho tse ngata tse sa tšoaneng, ho kenyeletsa le thato ea Molimo bakeng sa batho ba hae, libuka tse hlano tse qalang tsa Moshe, Testamente ea khale kaofela, kapa le oona motheo o akaretsang. Leha ho le joalo, mokhoa oa mathomo oo Paulose a le sebelisang le supa pokello eohle ea litaelo eo Molimo a e fileng sechaba sa hae ka Moshe.

Polelo “mesebetsi ea molao” mohlomong e kenyeletsa, tsohle tse hlokoang ke molao o fanoeng ke Molimo ka Moshe, e ba ea boitšoarong kapa ea mekete. Ntlha ea Paulose ke hore ho sa natsoe hore motho o leka ka thata ha kae ho latela le ho boloka molao oa Molimo, kutlo ea rōna e ke ke ea lekana hore beha ba lokileng, le ho re phatlalatsa re lokile pela Molimo. Ke ka hobane molao oa hae o hloka botšepahi bo feletseng ka mehopolong le liketso—e seng ka linako tse ling empa ka linako tsohle, hape e seng e meng ea melao empa melao eohle. Leha polelo ena “mesebetsi ea molao” e sa hlahe Testamenteng ea Khale le ho fumanoa Testamenteng e Ncha ntle le ho Paulose, tiisetso ea cona e makatsang ea seo e se bolelang e hlahlile ka 1947 ka ho fumanoa ha meqolo ea Dead Sea, pokello ea lingoloha tse qopitsoang ka matsoho ke sehlopha sa ba-Juda, se bitsoang ba-Essene, ban eng ba phela nakong ea Jesu. Leha lingotsoe ka se-Heberu, o mong oa meqolo eo o ne o na le polelo e tšoanang hantle. Sehloho sa meqolo oo e ne e le Miqsat Ma’as Ha-Torah, se ka tolokoang e le, “Mesebetsi e bohlokoa ea Molao.” Moqolo o hlalosa lintlha tse ’maloa tse ipapisitseng le molao oa Biblele o malebana le ho thibela lintho tse halalelang hore li se ke tsa silafatsoa, ho kenyeletsa le tse ’maloa tse neng li tšoaea Bajude e le ba khetheleng ho Balichaba. Qetellong sengoli se ngola hore haeba “mesebetsi ea molao” e lateloa, “o tla nkoa o le ea lokileng” ka pela Molimo. Ho fapana le Paulose, sengoli ha se fe ’mali oa sona ho loka ho tsoang tumeleng empa ho tsoang boitšoarong.

**Ka maiphihlelo a hao, u boloka molao oa Molimo hantle ha kae? Na u utloa eka u o boloka hantle hoo u ka beoang ea lokileng ka pel’a Molimo ka ho boloka molao? (Sheba Ba-Roma 3:10–20.) Haeba ha ho joalo, hobaneng? ’Me ke joang karabo ea hao e u thusang ho utloisisa ntlha ea Paulose mo?**

## Motheo oa Ho lokafatsoa ha Rōna

**“Me ke fumanoe ho eena ke e-na le ho loka, e seng ha molao, empa e le ho leng ka ho lumela ho Kreste, ke ho re, ho loka ho tsoang ho Molimo ka tumelo” (Ba-Fil. 3:9).**

Ha rea lokela ho hloma e ka Bakreste ba Bajude ba ne ba re tumelo ho Kreste ha e bohlokoa; ha e le hantle bohle e ne e le balumeli ho Jesu. Bohle ba ne ba na le tumelo ho eena. Boitšoaro ba bona bo ne bo bontša, leha ho le joalo, hore ba ne ba utloa e-ka tumelo ha e ea lekana ka bo eona feela; e lokela e tsamaisoe le kutlo, joalo ka ha e-ka kutlo e eketsa ho hong ketsong ea ho behoa ea lokileng. Ho beoa ea lokileng, ba ne ba ka etsa khang, e ne e le ka bobeli tumelo le mesebetsi. Mokhoa oo Paulose hangata a buang ka khohlano ea tumelo ho Kreste le mesebetsi ea molao e bontša khanyetso ea hae e matla mokhoeng oa tsona tse peli. Tumelo, 'me tumelo feela, ke oona motheo oa ho beoa ea lokileng.

Ho Paulose, hape, tumelo ha se puo feela; ha ho ka moo e ka aroloang ho Jesu. Ha ele hantle, polelo e tolokiloeng habeli e le “tumelo ho Kreste” ho Ba-Galata 2:16 e manoni ho feta botoloki bofe kapa bofe bo ka lehang. Polelo eo ka se-Gerike e tolokiloeng ka e le “tumelo” kapa “botšepahi” ba Jesu. Botoloki bona bo senola khohlano e matla eo Paulose a e etsang lipakeng tsa mesebetsi ea molao eo re e etsang le tšebetso eo Kreste a e phethileng molemong oa rōna, mesebetsi eo ka botšepahi ba hae (ke ka hoo e leng “botšepahi ba Jesu”), a re etselitseng.

Ho bohlokoa ho hopola hore tumelo ka bo eona ha e eketse letho ho ho beoa ea lokileng, joalo ka ha eka tumelo ka bo eona e na le molemo o itseng. Tumelo ha e le hantle ke mokhoa oo ka oona re amohelang Kreste le Mosebetsi oo a re etselitseng oona. Ha re lokafatsoe ho ipapisitsoe le tumelo ea rōna empa holima botšepahi ba Kreste bakeng sa rōna, boo bo nkang e le ba rōna ka tumelo.

Kreste o entse seo mang kapa mang a hlotsoeng ho se etsa, 'me ke hore: eena feela o ile a tšepahalla Molimo ho sohle seo a se entseng. Tšepo ea rōna e botšepehing ba Kreste, e seng ba rōna. Ena ke 'nete e kholo e bohlokoa, eo hara tse ling, e ileng ea hotetsa nchafatso ea Boprosetanta, 'nete ee ntseng e le hlokolosi le kajeno joalo ka ha bile mehleng ea ha Martin Luther a qala ho e ruta makholo a lilemo a fetileng. Botoloki ba pejana ba se-Syria ba Ba-Galata 2:16 bo fetisa moelelo oa Paulose hantle: “Ka hona re ea tseba hore motho h'a beoe ea lokileng ka mesebetsi ea molao, empa ka tumelo ea Jesu Messia, 'me re lumela ho eena, ho Jesu Messia, hore ho tsoa tumelong ea hae, eona ea Messia, re tle re beoe ba lokileng, e seng ka mesebetsi ea molao.”

**Bala Ba-Roma 3:22, 26; Ba-Galata 3:22; Ba-Efese 3:12; le Ba-Filipi 3:9. Ke joang temana ka 'ngoe le seo re se balang kaholimo, li re thusang ho utloisisa 'nete e hlollang ea botšepahi ba Krese bakeng sa rōna, kutlo ea hae e phethahetseng ho Molimo, ke oona feela motheo oa pholoho ea rōna?**

## Kutlo ea Tumelo

Paulose o hlakisa hore tumelo ke motheo bophelong ba Bokreste. Ke mokhoa oo re tšoarang litšepiso tseo re nang le tsona ho Kreste. Empa tumelo ke eng ha e le hantle? E kenyeletsa eng?

**Litemana tse latelang li re ruta eng ka ho thomeha ha tumelo? Gen. 15:5, 6; John 3:14–16; 2 Ba-Kor. 5:14, 15; Ba-Gal. 5:6.**

---

---

---

Tumelo ea sebele ea Bibe kamehla e arabela Molimo. Tumelo ha se boikutlo kapa boemo boo batho ka le le leng la matsatsi ba khethang ho ba le bona hobane Molimo a bo hloka. Empa, tumelo ea 'nete e tsoa pelong e anngoeng ke molemo le lerato la Molimo. Ke ka hoo Bibe ha e bua ka tumelo, tumelo eo kamehla e latela likhato tseo Molimo a li nkileng. Tabeng ea Abrahama, ka mohlala, tumelo ke karabelo ea hae litšepisong tse hlollang tseo Molimo a mo etselitseng tsona (Ba-Gen. 15:5, 6), ha Testamenteng e Ncha Paulose o re tumelo e thehiloe holima seo Kreste a re etselitseng sona sefapanong.

**Tumelo ke karabelo ho Molimo, karabelo eo e lokela ho kenyeletsa'ng? Nahana seo litemana tsena li se bolela'ng ka tumelo. John 8:32, 36; Liketso 10:43; Ba-Roma 1:5, 8; 6:17; Ba-Heb. 11:6; Jakobo 2:19.**

---

Batho ba bangata ba hlalosa tumelo e le “ho lumela.” Tlhaloso ena e na le mathata, hobane ka se-Gerike lentsoe bakeng sa “tumelo” ke mofuta oa lereho leetsi “ho lumela.” Ho sebelisa mokhoa o mong ho hlalosa o mong ho joalo ka ho re “tumelo ke ho ba le tumelo.” Ha e re bolelle letho. Tlhatlhobo e tebileng ea mangolo e senola hore tumelo e kenyeletsa e seng feela tsebo ka Molimo ka moelelo oa tsebo eo. Lena ke le leng la mabaka a hore hobaneng ho ba le tšobotsi e nepahetseng ea Molimo ho le bohlokoa. Mehopolo e khopameng ka semelo sa Molimo e ka etsa hore ho be thata ho ba le tumelo. Empa kamohelo ea kekello ea evangeli ha e ea lekana, hoba ka tsela eo “le oona matemona a ea lumela.” Tumelo ea 'nete hape e ama mokhoa oo motho a phelang. Ho Ba-Roma 1:5, Paulose o ngola ka “kutlo ea tumelo.” Paulose ha a re kutlo e tšoana le tumelo. O bolela hore tumelo ea 'nete e ama bophelo bohle ba motho, e seng feela kekello. E kenyeletsa boitlamo ho Morena le mopholosi oa rōna Jesu Kreste, khahlanong le lethathamo la melaoana. Tumelo haholo ke seo re se etsang, le ka moo re phelang kateng, le eo re mo tšepileng, joalo ka seo re lumelang ho sona.

## Na Tumelo e Khothaletsa Sebe?

E 'ngoe ea likhanyetso tse kholo khahlanong le Paulose e ne e le hore evangeli ea hae ea ho beoa ea lokileng ka tumelo feela e khothaletsa batho ho etsa ssebe (sheba Ba-Roma 3:8, 6:1). Ha ho tika-tiko bahanyetsi ba ne ba re haeba batho ha ba ea lokela ho boloka molao hore ba tle ba amoheloe ke Molimo, hobane joale ba lokela ho khathatseha ka hore na ba phela joang? Luthere, le eena, o ile a tobana le liqoso tse tšoanang.

**Paulose o arabela joang liqoso tsa hore thuto ea ho beoa ea lokileng ka tumelo feela e khothaletsa boitšoarō ba boetsalibe? Ba-Gal. 2:17, 18.**

Paulose o arabela liqoso tsa bahanyetsi ba hae ka mantsoe a matla: “Ho se ke ha thualo!” Leha e le taba e khonehang hore motho a ka oela sebeng ka mora ho tla ho Kreste, boikarabello ruri ha se ba Kreste. Ha tlola molao, rōna re batloli ba molao.

**Paulose o hlalosa kopano ee le Jesu Kreste joang? Ke ka tsela efe karabo ee qhalang likhanyetso tse hlahisitsoeng ke bahanyetsi ba hae? Ba-Gal. 2:19–21.**

Paulose o fumana ho beha mabaka ha bahanyetsi ba hae e le bohlaya. Ho amohela Kreste ka tumelo ha se taba feela e fokolang; ha papali ea leholimo ea tumela khoela, moo Molimo a amohelang motho a lokile feela ho se na phetoho e tšoarehang ka moo motho eo a phelang kateng. Khahlanong le hoo, ho amohela Kreste ka tumelo ho qholota phetoho e kholo. Ho kenyeletsa kopano e kholo le Kreste—tumellano bobeli lefung la hae le tsoho. Ka puo ea moea, Paulose o re re thakhisitsoe le Kreste, 'me mekhoha ea rōna ea khale e neng e metse boikhanšong e felile (Ba-Roma 6:5–14). Re khaohane tu le tsa rōna tsa khale. Tsohle li nchafetse (2 Ba-Kor. 5:17). Hape re tsoselitsoe bophelong bo bocha ba ho Kreste. Tsoho ea Kreste e phela ka ho rōna, 'me letsatsi ka leng e ntse e etsa hore re be joalo ka Eena. Tumelo ho Kreste, ka hona, ha se ho lokafatsa sebe empa memo ea ho teba, le likamanong tse ntlafetseng le Kreste ho feta se ka fumanoang bolumeling bo ipapisoitseng le Molao.

**U amana joang le taba pholoho ka tumelo feela ntle le mesebetsi ea molao? Na mohlomong e u tšosa hanyenyane, le ho etsa hore e be e mokhoa oa ho itšireletsa ho etseng sebe—kapa u nyakalla ke eona? Karabo ea hao e reng ka kutloisiso ea ao ka pholoho?**

## Ho Ithuta Haholoanyane:

“Kotsi e se e hlalositsoe ho 'na hape le hapa ea ho ananela, re le batho, mehopolo e fosahetseng ea ho beoa ea lokileng ka tumelo. Ke bontšitsoe ka lilemo hore Satane o tla sebetsa ka tsela e khethehileng ho ferekanya kelello ntlheng ena. Molao oa Molimo ho se ho litsoe ho oona le ho behoa kapele ho liphutheho, o se na thuso tse bong ea Jesu Krete le kamano ea hae le molao joalo ka sehlabelo sa Kaine. Ke bontšitsoe hore ba bangata ba tlohile tumelong ka lebaka la kopa-kopano ea khopolo e ferekaneng ea pholoho, hobane baruti ba sebelitse ka tsela e fosahetseng ho fihlela lipelo. Ntlha eo e saleng e hlalisoa kelellong ea ka ka lilemo-lemo ke ho loka ha Krete hoo re ho filoeng. . . .

“Ha ho ntlha eo ho hlokoang ho luloa ho eona ka 'nete, le ho phetsoa khafetsa, kapa ho thehoa ka ho tlea likellelong tsa bohle ho feta ho hlaleha ha botho bo oeleng ho fihlela letho ka molemo ohle oa mesebetsi ea hae. Pholoho e fihleloa feela ka tumelo ho Jesu Krete feela.”—Ellen G. White, *Faith and Works*, pp. 18, 19. “Molao o batla ho loka, 'me sena moetsaline o se kolotsa molao; empa ha a khone ho fana ka sona. Mokhoa o le mong feela oo a ka fumanang ho loka ke ka tumelo. Ka tumelo a ka tlisa ho Molimo makhabane a Krete, 'me Morena o beha kutlo ea mora oa hae sebakeng sa moetsalibe. Ho loka ha Krete ho amoheloa sebakeng sa ho hlaleha ha motho, 'me Molimo o amohela, le ho tsoarela, le ho beha ea lokileng, ea sokolohang, moea o lulang, le ho mo nka joalo ka ha eka o lokile, le ho mo rata joalo ka ha a rata Mora oa hae.”—Ellen G. White, *Selected Messages*, book 1, p. 367.

## Lipotso tsa Puisano:

1. Qotsulong sa pele e qotsitsoeng kaholimo, Ellen G. White o re ha ho taba e lokelang ho tiisoa ho feta ho beoa ea lokileng ka tumelo. Le le sehlopha, buisang ka hore na mantsoe a hae a ntse a lumelleha kajeno joalo ka ha a ne a ngola lilemo tse lekholo tse fetileng, 'me haeba ho joalo, hobaneng.
2. Nahana ka nchafatso ea Boprosetanta le Luthere. Leha nako, le sebaka, le maemo li fapane, hobaneng 'nete eo Paulose a e hlalising e leng bohlokoa ho lokolleng limillione litlamong tsa semoea tsa Roma?

## Kakaretso:

Boitšoarō ba Petrose Antioke bo bolela hore bao e neng e le bahetene e ke ke eaba Bakreste ba 'nete ntle le hore ba bolle pele. Paulose o ile a supa ho fosahala ha khopolo eo. Molimo a ke ke a phatlalatsa mang kapa mang a lokile ka taba ea boitšoarō ba motho, hobane le batho ba lokileng ba ea phethahala. Ke ka ho amohela seo Molimo o re etselitseng sona ho Krete moo baetsalibe ba ka beoang balokileng mahlong a hae.

